



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opvscvlvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

XLVIII. S. Hilarivs.

urn:nbn:de:hbz:466:1-11115

A.CCCCLXI.

S. HILARIVS.

HILARIVS, natione Sardus, ex patre Crispino, sedit annos sex, menses 3. dies 10. Hic ordinavit Episcopos 22. presbyteros 25. diaconos 6. Hic Romæ multorum Episcoporum Synodum congregauit, in qua omnium collaudatione corroborauit, ne quis, qui vxorem non virginem, & qui secundam duxit, & insciis litterarum, nec non & aliqua membrorum damna perpessi, & hi, qui ex pœnitentibus sunt, ad sacros ordines aspirare audeant. ITEM, & quodcunq; quis commisit illicitum, aut à prædecessoribus suis inuenit admissum, si proprium vult vitare periculum, damnabit. Item generaliter interdixit, ne quis vnquam successorem sibi subrogare præsumat.

^a epist. 3.

Item in ^a alia epistola, quam Ascanio Episcopo destinauit, illos Episcopos, qui sine Metropolitani consensu consecrati fuerint, stare concessit, ita dicens. *Licet hi, qui præter notitiam, atq; consensum tuæ dilectionis ordinati sunt sacerdotes cum suis debuerant auctoribus submoueri: ne quid tamen in necessitate tanta decernamus austerum, eos, qui Episcopi facti sunt, ita volumus permanere, si Apostolicis præceptionibus, & sanctorum Patrum statutis non reperiantur obnoxii, ac deinceps nihil, quod contra Ecclesiasticam disciplinam veniat, sicut hactenus factum est, perpetretur.*

XLIX.

A.CCCCLXVII.

S. SIMPLICIVS.

SIMPLICIVS, natione Tiburtinus, & ex patre Castino, sedit annos 15. mensem 1. dies 18. Hic ordinavit Episcopos 36. presbyteros 58. diaconos 11. Hic obiit 6. Nonas Martii. Hic constituit, ut presbyteri ad S. Petrum, & ad S. Paul. & ad S. Laurent. manerent propter baptismum. Hic Ioanni Rauennati Episcopo ^a epistolam scripsit, in qua eum arguit, quod Gregorium violenter Episcopum consecrauerat, dicens, *illum priuilegium mereri amittere, qui permissa sibi abutitur potestate. Et inferius in eadem. Denunciamus autem, quod si posthac quicquam tale præsumperis, & aliquem seu Episcopum, seu presbyterum, aut diaconum inuitum facere forte credideris, ordinationes tibi Rauennatis Ecclesiæ, vel Aemiliensis noueris auferendas.*

^a epist. 2.

11. q. 3. c. priuilegium.

^b epist. 3.

* Floren; io.

Item aliam ^b epistolam scripsit * Florentino, Equitio & Seuero